


IONTERISAIENSTAKSA

NE

KARISIIOSTON TEIEASONTHA,

KAHNA8AKEHA.



TIOHTIAKI,

TEHORISTORARAKON LOUIS PERRAULT.

1844.

Nous, Soussigné Evêque de Montréal, avons approuvé, et approuvons par les présentes, **LES PRIÈRES CHRÉTIENNES, LE PETIT CATÉCHISME ET L'ABRÉGÉ DES VÉRITÉS DE LA RELIGION** en langue Iroquoise, après Nous être assuré, par l'examen qui en a été fait par **Mr. J. B. Roupe**, ancien Missionnaire de St. Régis et du Lac des deux Montagnes, **Mr. Joseph Marcoux**, Missionnaire du Sault St. Louis, **Mr. Nicolas Dufresne**, Missionnaire des Iroquois au Lac des deux Montagnes, **Mr. Léonard**, l'un des Pères Oblats, ancien Missionnaire du dit Lac des deux Montagnes, et **Mr. François Marcoux**, Missionnaire de St. Régis, que cet ouvrage était en tout conforme à la doctrine de la Ste. Eglise Romaine. Voulons qu'à l'avenir le dit Catéchisme soit le seul qu'il soit permis d'enseigner dans les Missions susdites du Sault St. Louis, du Lac des deux-Montagnes, et de St. Jean François Régis.

Donné à Montréal, le douze Septembre Mille-huit-cent-quarante-trois.

† IG. EV. DE MONTRÉAL.



IONTERISAIENSTAKSA

NE KARIŠHOSTON TEIEIASONTHA.

I. TEIEIASONTHA.

Sarišiioston ken?

Sakerišiioston, rakitenron ne Rašenniiio.

Onka iakorišiioston iontatiats?

Ne iakotenekšaheston, akšekon iontontats tsini
hašennoten Iesos.

Nahoten akoteniententsera niakorišiioston?

Tsi teieiasontha.

To tetsiasonten.

† Rasennakon Roniha, nok Roienha, nok Rotkon
roiatatokenti; ethonaiašen.

Katke nataieiasonten?

Tsinaehie, tsi nakotaše, tsi naonterennaien, tsi-
nateionskahonne, tsinaekšentane, nok oni ne
Šatiakotonharenron othenon aiakonikonhrotako not-
kon.

Oh niiašens natieiasonten?

Ok sa ok onteko Notkonseraksen; senha Šasako-
nonšene ne Rašenniiio, Šasakoianerenste oni.

II. TSINIHAIAITOTEN NE NIIO.

Onka ionkšaiatison?

Niio sonkšaiatison.

Nahoten ra8eron tsi sonk8aiatison?

Ra8eron : aionkienterihake, aionkenon8ehake, aionke8ennarak8ake oni oni tsinen8e eniakonnheke, nok nentia8ori8aieriton eniontsennonni karonhiake tsi neniontonnhokten.

Toni haia8oten ne Niio?

Ronikonhroskon, iah othenon tetiotokte tsini haia8oten ; roronhison, raon8entsison ; ak8ekon oni raonha:si8a ra8enniio tsi tionnhe.

Nahoten aori8a tsi ionton : ronikonhroskon?

Ne aori8a tsi iatehaia8onte ; iahtehaia8aieronni ; iah kati taonton ahon8aken non8entsiake iiens.

Kanihenteron ne Niio?

Okti8ak8ekon renteron ; karonhiake, on8entsiake, on8entsiakon oni.

Ohnihatierha karonhiake?

Sakotsennonniatennis ne tieteron.

Ohnihatierha non8entsiake?

Ori8ak8ekon ratsteristha.

Ohnihatierha non8entsiakon?

Sakohre8atha notkonseraksens ; etho oni sakoia8onties nonk8e iakori8anerahakskon.

III. ASENSERATOKENTI.

Totasa8e ken ne Niio tsi ronnhe?

Iahten ; ok sironnhe, tiotkon oni enhronnheke.

Tonihati ne Niio?

Saiatat ok, iah taonton tohka nahatihake.

Tonihati raonhakon ne Niio?

Asen ; Roniha, Roienha nok Rotkon roiatatokenti.

Niio Ken ne Roniha?

Niio ne Roniha ; Niio ne Roienha ; Niio oni ne Rotkon roiatatokenti.

Asen katiken nihati ne Niio?

Iahten ; ne ok ne asen natehaisere ; saiatat ki ok tiotkon ne Niio RaSenniio tsi tionnhe.

Onka kakoSanen nasennihati?

Ok satehonnas, aseken skanikonhrat, skaSennioiserat oni tsi asennihati.

AkSekon ken tehakanere ne Niio?

AkSekon tehakanere, aseken okti8akSekon teneron ; tehakanere oni tsini iakonikonhra8ens akSekon nonk8e.

IV. ONK8E ROTATONNI.

Kanikaien nasen nihati onk8e rotonhon?

Nene Roienha, Iesos Kristos sonk8a8enniio ronSaiats.

Onka ronSateSeton Iesos Kristos?

OnSari ioiatatokenti iate kanak8aienteri.

Oh ni iaSenhon tsi ioteSeton NonSari, iah se te kanak8aienterihne?

Raonha ne Rotkon roiatatokenti roson Iesos raieronke nok raottonnhetston OnSari kaiatakon.

Nahoten raSeron Niio Roienha tsi onk8e rotonhon?

RaSeron; aonsakenerensi nonk8e iakonask8a-ientak8e notkonseraksen ; raSeron oni: aonsakeri8ah-
tonte ne kariSaneren ; aonsakeskontako nonk8e on-
Sentsiakon taiakottonnhakarihon.

Tokenske katiken aiakotkaronnihon nonk8e, niah onk8e tahotonhon Niio Roienha ?

Tokenske ak8ekon nonk8e aiakotetsiraton non-Sentsiakon.

Toni Senniseroten rotonni Niio Roienha ?

Ne non8a kon8aiats *Sahatonni* raSennisera.

Ohni hoieren nonSentsiake siresk8e ?

Sakorionnienni nonk8e tsi naieiere naiakoiatato-kentonhake, sakoseronnienni oni ioianerenstak8a nakotonnhetston : sakoronhiakense, saka8enheiaseni.

V. SESAKOSKONTAKSEN.

Ra8enheion katiken Niio Roienha onk8e rotonkon ?

Ra8enheion tekaiasontne ; ne ra8enheiaton tsini sakonon8ehon nonk8e : ra8eron : ii akiheie, akaonha aiakonnheke nonk8e nok aiakoientake aiontsennonni karonhiake tsinen8e.

Toni Senniseroten ra8enheion ?

Ne non8a kon8aiats *Ron8aiatanentaktonne* raSennisera.

Toni Senniseroten sotonnheton ?

Ne non8a kon8aiats *Sonsahatonnhete* raSennisera.

Toni Senniseroten karonhiake iesha8enonton ?

Ne non8a kon8aiats : *Iesos karonhiake sonsarete* raSennisera.

Toni Senniscroten tonnhaon ne Rotkon roiatatokeniti ?

Ne non8a kon8aiats *Rotkon roiatatokenti* ra8en-
niserä.

Ka tenteron non8a ne Iesos ?

Niio tsini haiatoten, okti8ak8ekon tenteron ; nok
Onk8e tsini haiatoten, karonhiäke Okaristiakon oni
renteron.

VI. KENHEION.

Ak8ekon ken ente8enheie ?

Ak8ekon ente8enheie, katke ki ok, raonha en-
tennonton ne Ra8enniio.

To nenioiata8en ne te8aieronke kenha ?

Okenrokon enkon8aiatata.

Iaten8atkonten ken nokenrokon ?

Iahten ; tsi nense8aton8entsiarisi ense8atonnhete.

Enkenheie ken non8atonnnhetston ?

Iah ne non8entön takenheie.

*Oh kati nenioiata8en nonen tenkiatekhasi ne
te8aieronke kenha ?*

Raonha ne Ra8enniio ok sa ok tenhaiatorete tsini
iori8aien ne kari8iio kari8aksen oni.

*Ka kati nienhen8e nonk8atonnnhetston nonen ten-
haiatoretak8enton ne Ra8enniio ?*

Tokat karonhiäke, tokat on8eñtsiakon tokat oni tsi
tetieseronniatha ka8enniio ki tsineniakotateri8atsen-
riase.

VII. NONEN IAKA8ENHEION.

Onka ok sa ok karonhiäke eniente neniaiheie ?

Ne niah nonSenton teiakoriSaneren ; ne oni niakoriSanerenhenne, nok tsiakotatreSaton, ak8a oni tetsiakoriSaserak8en, sekon on8entsiake siiensk8e.

Nahoten iontsennonniatak8a ne karonhiake ?

Ne iontsennonniatak8a tsi ron8akens ne Ra8enniiio ron8anon8es ori iatekakonte.

Onka on8entsiakon eniente ?

Ne niakoriSanerahakskon ron8a8ennontion ne Ra8enniiio, nok iahtetsiakotreSaton sekon on8entsiake tsi iensk8e.

Nahoten teiontonnhakariatha niakoriSanerahakskon non8entsiakon ?

Ne teiontonnhakariatha 1. iakonikonhranon8akta tsi iakoriSaneren, iahten tsi tense8aterisionhe ; 2. teiontonnhakariatha ne tsi ieiatak8ekon 8ahontetsirate otsirake iate8as8as ; 3. teiontonnhakariatha ne tsi iatekakonte teiakotekhasion ne Ra8enniiio, iah nonSenton tiiahon8aken, tiotkon tenhnon ensakos8enseke.

To nenSe teniontonnhakariaseke non8entsiakon ?

TsinenSe enhronnheke ne Ra8enniiio ; iah kati nonSenton tataontaieiakenne, aseken iah nonSenton tiiahatonnhokten.

Onka tsi tetieseronniatha eniente ?

Ne NiakoriSiioston kenha, arekho ak8ekon tate-tsiakoriSaserak8en tsini iakoriSaneren sekon on8entsiake siiensk8e.

Nahoten ieronhiakentha tsi iakotiaktani tsi tetieseronniatha ?

Ne ieronhiakentha tsi iahtehon8akens ne Ra8en-

nii, tiotkon ron8aiatisaks tsini hon8anon8es; ne oni ieronhiakentha tsi 8ahontetsirate; katkeha sane entsiontiatontako, karonhiake eniente.

VIII. KARI8ANEREN.

Nahoten ne kari8aneren?

Kari8aneren kon8aiats, tsi ron8a8ennonties ne Ra8enniio, nok tsi konkakennonties ne Kentiohk8a-tokenti.

Toniori8ake tateiori8ate ne kari8aneren?

Teiori8ake: enskat *kari8anerahakserakaion* nok enskat *kari8anerahakserase*.

Nahoten ne kari8anerahakserakaion?

Ne kari8anerahakserakaion kon8aiats, ne raotiri8anerakaksera tonatierenton nonk8e; te8ak8ekon tionkiri8anerahakserarhon sete8ennakerate.

Nahoten ne kari8anerahakserase?

Ne kari8anerahakserase kon8aiats, nok ii ne tionk8e te8atsenries, ii te8atateri8anerahakserarhos, nonen ionk8anikonhroton non8entsiake.

Toni iotitiohk8ake ne kari8anerahakserase?

Teiotitiohk8ake: enskat *iori8atsanit* nok enskat *kenniiori8asha*.

Nahoten ne iori8atsanit?

Iori8atsanit kon8aiats, ne ak8a ioiataksatha nonk8atonnhetston, skarisions ioianerenstak8a, ionk8an-nhotons karonhiake, nok ionk8anaktaiennis non8entsiakon.

Nahoten ne kenniiori8asaasonha?

Kenniiori8asaasonha kon8aiats, nok eken

iotsiihtonniss nonk8atonnhetston, kentaksata oni ioia-
nerenstak8a, iah sane ak8a teskarisions.

IX. KONTIRI8ANERAHAKSERAK8ENNIOS.

Toni ori8ake ne kontiri8anerahakserak8ennios ?

Tiatlak niiori8ake : kanaiesera, kanionsera, kana-
k8aiesatsera, kanosasera, iakaores, kanak8ensera,
nok iakentorha.

Nahoten ne kanaiesera ?

Kanaiesera kon8aiats, ne sotsi iontatkonnienstha
nakaonha, nok iontatkenhronnis nakoren, iienhre ii
senha Sakiatanehrak8at.

Nahoten ne kanionsera ?

Kanionsera kon8aiats, ne sotsi iakonikonhbranen-
takon ne kaientaon non8entsiake.

Nahoten ne kanak8aiesatsera ?

Kanak8aiesatsera kon8aiats, ne iontsteristha iote-
ri8atehat sonha.

Nahoten ne kanosasera ?

Kanosasera kon8aiats, ne iakotatenikonhrotak8en
nakoren Saontsennonni.

Nahoten ne iakaores ?

Iakaores kon8aiats niateionterientarha tsi teionts-
kahons nok tsi iehnekirha.

Nahoten ne kanak8ensera ?

Kanak8ensera kon8aiats, ne sotsi ontorianeron
nagonikonhra, iakonnhas aiontats8en.

Nahoten ne iakentorha ?

Iakentorha kon8aiats, ne iakoterihonkohtennis

karišiiostonke, nok oni ne ionnikonhrokta kaioten-
sera sonha nonšentsiake.

Oh nahoten ne iontaterišanerahaktennis ?

Iontaterišanerahaktennis konšaiats, nene tokat ie-
šennake, tokat iešeinnake, akoren šaontatenikonh-
renhašite karišaksenke, iašet iaontatreke noneshon.

X. ASEN NIKONTIRIŠAKŠENIŠOS RAŠENNIIOKE.

To niiorišake ne kontirišakšenišos rašenniioke ?

Asen niiorišake, iakorišiiostakon, iakorharekon,
nok Ronšanonšesta niio.

Nahoten ne iakorišiiostakon ?

Iakorišiiostakon konšaiats, tsi sakošis ne ra-
šenniiio naontaiakašehtakon tsinikon sakoriotasienni
nonkše, ne ionkšarionniennis kentiokšatokenti.

*Kanontkaien ne kontirišakšenišoson ne kentiok-
šatokenti ionkšarionniennis ?*

Ethonon ieioteroron tsi ierihokta *Tešakehtakon
niio roniha* &c, ne ronaterennaientakserison iesos
ratikšekonne, sathonreni nonšentsiakšekon.

Serihokten iakorišiiostakon ?

Sešenniiio tešakehtakšen akša orišiiio tsinikon
ionkšarionniennis ne kentiokšatokenti, aseken ise
tisašenninekenhon niahtaonton asennošente.

Nahoten ne iakorharekon ?

Iakorharekon konšaiats, tsi sakošis ne rašenniiio
nakšah aiakorhareke tsini sakorharatstenni nasa-
koienašase nē karonniake aiontsennonni.

Sokten ne iakorharekon ?

Sešenniiio akšah šakerhare nenskienašase tsina-

kiere ne karonhiake akatsennonni; ne enskitenrate tsini sonk8atsennonniatenni iesos sonk8a8enniiq, aseken ethoni sk8arharatstenni.

Nahoten ne Ron8anon8esta niiio?

Ne ron8anon8esta niiio kon8aiats, tsi sako8is ne ra8enniiio ne raonhaa ahon8anon8ehake tsini hoianere nok ne raonha raori8ake aiontatenon8ehake ne sateiakonk8e tsi nakaonha niiontatenon8es.

Sokten ne Ron8anon8esta niiio?

Se8enniiio sonhatsi8a konnon8es akenikonhrak8ekon, aseken iahtiiaiehe8e tsini saianere; nok ise sari8ake khenon8es ak8ekon nonk8e tsi nii nikatatenon8es.

XI. ATERENNAIEN.

Nahoten kak8enies asonk8Sentenre ne Ra8enniiio?

Tsi ionterennaiens.

Nahoten ne ionterennaiens?

Ionterennaiens kon8aiats, Ra8enniiioke iontennikonhrenha8i8a nahon8ennitentase.

Rathontats ken ne Ra8enniiio tsi ionterennaiens?

Rathontats ne iakonitenton, niiatekon sakotenre.

Katke niioteri8ison naionterennaien?

Arahonne tsi nahontketsko, tsi nakota8e nok tika-te ne Satiakotieronnnionse othenon non8entsiake.

Ohneniakoiata8en niate ionterennaiens?

Eniakoteri8ahtonse tsi iakori8iioston, nok en8ata-tenask8aienhase notkonseraksen tsi iakonnhe.

Raonhaa ken ron8ennitentase ne Ra8enniiio tsi ionterennaiens?

Iahten : ranon8es oni nakon8ennitentase Non8ari, ahon8ennennitentase oni Eronhiakehronon nok Na-koiatatokentison, naionki8ennakarata tsi te8aterrennaiens.

Kanikaien ne kontiatak8enios ionterennaientak8a?

Ne 1. *Tak8aienha* ne Iesos roterennaientakserison; 2. *On8ari tekonnoronk8anion*, ne raoti8enna ne Raronhiakehronon nok Narisa8et oiatatokenti.

Onka ioson noia sonha ionterennaientak8a?

Nene Kentiohk8atokenti nok Nakoiatatokentison.

XII. ORI8ATOKENTIKO8A.

Toni karihoten nori8atokentiko8a?

Ori8atokentiko8a kon8aiats ne nak8ah raonha Iesos rori8ison naiakoiatatokentiste nonk8e.

Nahoten kanoronstakon Nori8atokentiko8a?

Ne kanoronstakon Nori8atokentiko8a, tsi etho roien Iesos tsinikon sonk8atsennonniatenni sasonk8aronhiakense sasonk8enheiasa oni.

Toni ori8ake Nori8atokentiko8a?

Tsiatak nijori8ake; Iontatenek8ahestha, Iontatentsiokhas, Okaristia, Se8atateronk8enni, Iontatiatokhas teiakokonhentons, Iontaterihontak8a naiehasen nok Te8ateranekenseratokenti.

Toni karihoten Iontatenek8ahestha?

Iontatenek8ahestha kon8aiats, Ori8atokentiko8a ne skarake8atha kari8anerahakserakaion, kari8anerahakserase oni aiakori8aientak; ionk8anisera8is ne

Ra8ennio, nok ionk8anistensera8is Iesos raotiohk8atokenti.

Toni karihoten Iontatkentsiokhas ?

Iontatkentsiokhas kon8aiats, Ori8atokentiko8a ne ionk8aiata8is Nijo Rotkon roiatatokenti, sonk8aiane-renstha tsi sonk8atiennis, sonk8anikonhrahnrats oni ne kari8ioston aete8enheiate.

Toni karihoten Okaristia ?

Okaristia kon8aiats, Ori8atokentiko8a, ne roiatasetak8enhaties rahonha Iesos sonk8a8ennio, ak8a tsini haiatoten karonbiake, iken ne raieronke, raonek8ensa, raottonhetston ak8ekon oni ne raoniosera, etho ionatasetak8enhatie tsi kaieronni kanatarok kenha, otsitsia kenha oni.

Toni karihoten Ohaseratokenti ?

Ohaseratokenti kon8aiats, tsi rahasens rori8aien-nis ne Ra8ennio Iesos raieronke nok raonek8ensa.

Toni karihoten Se8atateronk8enni ?

Se8atateronk8enni kon8aiats Ori8atokentiko8a ne skarake8atha tsini iakori8aneren tsinahe tiakotene-k8aheston.

Toni karihoten Iontatiatokhas teiakokonhentons ?

Iontatiatokhas teiakokonhentons kon8aiats, Ori8atokentiko8a ne tsiotsientha tsi teiokonhentons onk8atonnhetston; arens oni tsiotsientha nieronke naonsaionton tsi iakonon8aktani.

Toni karihoten Iontaterihontak8a ne ratihasens ?

Iontaterihontak8a ne ratihasens kon8aiats Ori8atokentiko8a ne Iesos ron8ari8a8ase ori8atokentisonha, nok rotiiena8ase oni ahotiri8aieritonhatie tsini honaterihonte non8entsiake.

Toni karihoten TeSateranekenseratokenti ?

TeSateranekenseratokenti konSaiats OriSatoken-
tiko8a, ne iatekakonte teiakorahnekens, ia8et tsion-
k8etat akenhake ne teionk8etake, nok iakoiena8ase
oni kari8iistonke aiontatehiaron ontatienha enken-
hake.

XIII. IONKIATENIENTENSE.

To naieiere ne karonhiake aiontsennonni ?

Ahon8a8ennaieritseke ne Ra8enniio, akon8a8en-
naieritseke oni ne Kentiohk8atokenti.

Toni ha8ennake ne Niio Ra8enniio tsi tionnhe ?

Oieri : Saiatat ok Niio hetse8enniiostak, etc.

Nahoten konSaiats Iesos raotiohk8atokenti ?

Iesos raotiohk8atokenti konSaiats ne raonha rotioh-
k8ison, akotiohk8ak8ekon Iakori8iiston teieia-
sontha, sakotsteristha Ari8a8akonko8a ne ron8ako-
8anen Ratiri8a8akonson ronSaiena8asehaties.

*Iah ken taonton karonhiake aiontsennonni niah-
teieiatate ne Iesos rotiohk8ison ?*

Iah taonton, aseken ne ok ne raonha rotiohk8ison
ratak8enniahienni ne raoianerensera.

Toni ka8ennake ne Kentiohk8atokenti ?

Tsiatak : Tsiatarak Ohaseratokentonke, etc.

XIV. IOIANERENSTAK8A.

Nahoten ne Ioianerenstak8a konSaiats ?

Ne Ioianerenstak8a konSaiats, tsi sakotenre ne
Ra8enniio, sako8is naiakoianereke non8entsiake,
naiontsennonni nohnaken karonhiake.

Nahoten sonkSentenratha ne RaSennio?

AkSekon ne sonkSentenratha tsi sonkSaronhiakense
nok sonkSenheiasse Iesos.

Oh niot tsi sonkSentenre ne ioianerenstakSa?

Arens sonkSanikonhrataas tsi teSaterennaiens;
nok ne senha kontihaSanions nioianerenstakSaokon
noriSatokentikoSa konSaiats.

*Iah katiken taonton nok akaonha aienrheke
aontakeriSaierite?*

Iah nonSenton tiiiaonton, niahtasakoienaSasere ne
RaSennio.

*Oh neniakoiataSen ne ionteraiatakSa tsi tesa-
konSatetennis ne RaSennio?*

Asatakon eniakonnheke, nok kariSanerahaksera-
kon eniontonnhokten.



SE8ATATERONKSENNI.

Toni karihoten SeSatateronkSenni?

SeSatateronkSenni konSaiats, OriSatokentikoSa
ne skarakeSatha tsini iakoriSaneren tsinahe tiakote-
nekSaheston.

*AkSekon ken skarakeSatha nok oni ne ioriSa-
tsanitenions?*

AkSekon skarakeSatha, kaSennio aieriSaierite o-
riSakSekon tsini hotenienten ne RaSennio.

To kati niioriSake aieriSaierite naonsonterakeSe?

Sisk niioriSake: 1^o aieriSisake tsinikon iakoriSaien
niotaksen; 2^o aonsaiontonnhakanonni; 3^o aionterien-

tasa ; 4^o ahonSarihoktase Iesos rori8a8ase tsinikon iakehiare ; 5^o taonsaieri8aserako.

§ 1. AIERI8ISAKE.

To naieiere naieri8isake ?

Aiontiatarako tsi ionk8ehne, ahon8ennitentase ne Ra8enniiio, aiairon ; “Se8enniiio tsi konnhe ise sateri-
“entare tsini 8akerikaneren, aseken iah othenon te-
“sanekherens ; takitenr kati aonsakehiarane tsinikon
“konnikonhraksaton, aontiesenhake taonsakeri8a-
“serako tsi sekon skennen ikes non8entsiake, tosa
“askre8ate non8entsiakon tsi nenkatonnhokten.”

To non8a naieiere ?

Onen tenhnon non8a aonsaiontatehiahrak8en tsi-
ni ionnontonnionk8a, tsini iontatiatha nok tsini ion-
tieranions kanonskon, atste, ononsatokentike nok oni
ka ok non8e itiens.

§ 2. AONSAIONTONNHAKANONNI.

*Oh naieiere nonen saeri8atsenri tsi iakori8a-
neren ?*

Aonsaiontatre8ate nakonikonhrakon, ak8a aonsa-
ieri8as8enseke tsini iakori8aneren.

Toni karihoten aonsaiontatre8ate ?

Aonsaiontatre8ate kon8aiats, ak8a aonsaieri8as-
senseke tsi iakori8aneren, nok aionterientasahaseke
oni iah taonsaieri8anerake nohnaken.

*Aonton ken nakaonhatsi8a aonsaieri8as8enseke tsi
iakori8aneren ?*

Iah taonton, tsi ok ahon8aneken ne Ra8enniiio a-
sakonikonhrataa naieri8as8en tsi iakori8aneren ; nok

oni taieiatorete nakaonha tsini ioriSake ierisSasSatha ne kariSaneren.

Eso ken ioriSake ierisSasSatha ne kariSaneren ?

Eso ioriSake: 1. Taieiatorete, aonhaa tsini ioriSatsanit ne kariSaneren, aseken ioiataksatha nonkSatonnhetston, tsiniot notkenseri kentaksatha ne teSaieronke kenha tsi SeteSenheie.

2. Taieiatorete tsina teiotenonhianiton ensakohreSate ne RaSenniio nonSentsiakon, enskat ok oni aia-koriSanerenhake.

3. Taieiatorete tsini iakokaronnis ne kariSaneren, iken tsaeriSanerake tiakotkaronniaton ioianerenstakSa nakotonnhetston, iah oni tetsionSesen nakonikonhrakon, akSekon oni iahte tsiakonaktaien ne karonhiake.

4. Taieiatorete aonhaa ne kariSaneren roiatanentaktakon Iesos sonkSaSenniio tekaiasonteke, ne raSenheiaton sasonkSenheias.

5. Taieiatorete tsini ioriSatsanit ronSanikonhraksatha ne RaSenniio, raonhatsiSa tsini haiatanoron, tsini honikonhriio, tsini hotanitenraskon, akSa iah othenon tetiotokte tsini haiatoten.

Nahoten ietokatha tokenske tsieriSasSens tsi iakoriSaneren ?

Ne ietokatha, 1. tsini iosatste iakonikonhranonSaks, tikenha tsi iakoterientare aiaikonikonhranonSakseke nothenon aiaotkaronniaton nakSah ienoronkSa. 2. Ne oni ietokatha tsi SahonSariSaienhase sesakoronkSenni tsineniakoiataSen, tsinensakoierase. 3. Ne oni ietokatha tsini iontsteniarons taonsaieriSaserako.

§ 3. AIONTERIENTASA.

Iah ken taonsonterake8e tsi iakori8aneren iate iakoterientason?

Iah enskatha taonsonterake8e ; okeken senha ron8anikonhraksatha ne Ra8ennio, ne ron8a8ennoretak8a tsi iontons, onen se8akatonnhakanonni, iahse tokenske teken.

Nahoten ietokatha tsi iah tokenske teiakoterientason?

Ne ietokatha, onen tsini tia8enhon iontsteristha kari8aksensk8eokon ne ionsteristak8e arekho tsi tsiontateronk8enni.

Senha katiken iori8atsanit naonsaiontsteriste kari8aksen tsiakorihontionne?

Senha ne iori8atsanit, aseken ron8akenrenseronnis ne Ra8ennio sakotenronne.

Onka senha ori8iio tsi tsiakotatre8aton?

Ne kon8aiats senha ori8iio tsi tsiakotatre8aton, nene niatehaiati ne ra8ennio raori8a tsi tsiontatre8atha, tsini iahtiihihe8e tsini hoianere.

Nahoten iontsennonniatak8a netho niot tsi tsiakotatre8aton?

Ne iontsennonniatak8a ok sa ok sonterake8e nakori8anerahaksera, Ka8ennio ki ionskaneks naonsaiontateronk8ase.

Onka ne tikenha ori8iio tsi tsiakotatre8aton?

Ne kon8aiats tikenha ori8iio tsi tsiakotatre8aton, nene neok tsiontatre8atak8a tsini 8ahetken ne kari8aneren, tsi oni nietsanis noneshon, nok tsini iennrhatens ne karonhiake.

Nahoten iontsennonniatak8a nehniiot tsi tsiakotatre8aton?

Ne nennée iontsennonniatak8a, ense8aterake8e sane nakori8anerahaksera, tsi ok tenhnon ensakoterennaienhase ne skarake8atha.

Nahoten iontsennonniatak8a, ne ok aori8a tsiontatre8atha nothenon sonha non8entsiake?

Iah othenon teiontsennonniatak8a, aseken iahtehaiatare ne ra8enniio tsi tsiakotatre8aton.

Ak8ekon ken iontsennonniatak8a ne ierihoktha Tsiontonnhakanonniatha?

Iah ak8ekon te iontsennonniatak8a, iken notiake ne ok ne iontsorianeronk8as, iahse tokenske tetiaka8ehtak8en naka8eriane.

Se8aterake8as ken tsi iakori8aneren ne tsiori8a iate tsieri8as8ens?

Iah othenon te se8aterake8ahtha; tsi ok ak8ekon satetsies8ens ne iori8atsanit nahoten, ne ok ense8aterake8e ak8ekon.

To kati niaakoiata8ens niakori8ancrahakskon, tiotkon sane tsiontateronk8ennis nok iahtesiontatre8atha?

Iah othenon tetiotokte tsini iakori8anerenhenhathies, senha iontatenikonhrahnrats kari8aksenke, iahtetsietsanis naeri8anerake, nok oni se8atierens ok tontaia8entsi 8ahiheie, iatetsiakotatre8aton.

§ 4. AHON8ARIHOKTASE.

Kani kaien ne kaierihaton aieri8aierite?

Ahon8arihoktase Iesos rori8a8ase tsinikon iakori8aien ne iotaksen.

Oh naaSen, ioriSatsanit iakoriSaseton, tsioterakeSen ken notiake tsi iakoriSaneren?

Iah enskatha tetsioterakeSen; ne tenhnon senha ioriSatsanit iakoriSanerahakton, aseken iakoriSaiesaton seSatateronkSenni.

Tonaieiere nonen sesakoronkSennire?

Ok etho taiontontsoten tsi renteron; taieiasonten, aiairon: "Rakeni, takSaterennaienhas, aseken Sake-
"riSanerahakskon;" nok aierihokten *TsiontateronkSennitha, ii akeriSa naieniharho.*

Tonaieiere nonen iakorihokte tsi iakoriSaneren?

Aiairon: *Ethonikon kehiare; akSekon sakatatreSate nok oni tsinikon niatekehiare; askitenre, askenatonhase taonsakeriSaserako.*

Tonaieiere nonen Sasakoterennaienhase ne skarakeSatha?

Ethone akSa aionkSisron nakonikonhrakon aon-
saiontatreSate; aienrheke, iah nonSenton taonsakeriSanerake nohnaken; nok skennenha aierihokten *Tsiontonnhakanonniatha.*

§ 5. "TAONSAIERISASERAKO.

1

Nahoten ne teskariSaserakSen konSaiats?

TeskariSaserakSen konSaiats, tsi shonSanikonhraseronnis ne RaSenniiro ronSasentennihne, nok oni tsiontatenikonhraseronnis nonkSe, iontatenikonhraksatonne.

Nahoten shonSanikonhraseronniatha ne RaSenniiro?

Ne shonSanikonhraseronniatha, atatiesafon, atatenron, entakon, karonhiakenhon; ne oni shonSanikonhraseronniatha naieriSaierite tsi nahoten ensa-konatonhase seSatateronkSennike Iesos roriSa8ase.

Nahoten tsiontatenikonhraseronniatha nontateken-son?

Ne tsiontatenikonhraseronniatha naonsaiontatie-ritse tsiniiontatkaronni.



OKARISTIA.

Toni karihoten Okaristia?

Okaristia konSaiats, Ori8atokentiko8a, ne roiata-setak8enhaties raonha Iesos sonk8a8enniiio, ak8a tsi-ni haiatoten karonhiake, iken ne raieronke, raone-k8ensa, raottonhetston ak8ekon oni ne raoniosera, etho ionatasetak8enhatie tsi kaieronni kanatarok kenha, otsitsia kenha oni.

Katke nihori8ison Iesos Okaristia?

Entakta tsihonSariosere.

Nahoten ra8eron tsahari8isa Nokaristia?

Ra8eron, tiotkon akari8ateke kari8iiostonke tsini hoieren sahon8ario.

Oh nihoieren sahon8ario?

Ro8enniioston Niio Roniha ne raieronke, raone-k8ensa nok raoronhiakensera ne taonsahari8asera-k8ate tsini iakori8aneren nonk8e.

Sekon ken non8a niho8enniiostha ne Roniha tsini hoieren nethone?

Sekon nihoSenniiostha tsi iakohasen niateSenni-serake.

Teskiatieren katiken tsi iakohasen tsini hoieren sahonSario?

Ak8a ok ne saori8at 8ataties; sekon non8a niatekahaserake iakohasenton sesonk8askontak8en-haties.

Oh nihatierha Iesos Okaristiakon?

Onen tsini tia8erhon shonikonhraseronnihaties ne Roniha tiotkon ron8anikonhraksatanions nonk8e; sakotenranions oni onka kiok Sahon8aiatisaké nok oni sakotiennis ne ron8anaktotani nakonikonhrakon.

Sonk8annhaon ken ne RaSenniiio naete8aiataraseke Okaristia?

Ak8a sonk8annhaon, ensakohre8ate oni niate ionts-teristha asakotienhase, iken ron8anaktannhese aka-8eriane, katkeha oni ne raonha ensesakonaktannhese karonhiake.

Nahoten iontsennonniatak8a naeiatarane?

Ne iontsennonniatak8a tsi raonha Iesos sakotien-nis on8e ak8a tsini haiatoten karonhiake; ne oni iontsennonniatak8a tsi ak8a Sahaianerenste nako-tonnhetston.

Ak8ekon ken iontsennonniatak8a naeiatarane?

Iah ak8ekon te iontsennonniatak8a; otiake okeken senha iakotatkaronniionhatie tsi sakotiennis.

Ok nakentiohkoten niah othenon teiontsennonniatak-8a tsi sakotiennis?

Nene kentiohk8aksensk8a, iakori8aseton se8ata-teronk8ennike; nok otiake ori8ak8ekon sane ron-

Sarihoktani ne sesakoronkSenni, nok iatetiakoni-konhrasahaton niatekakonte aonsaiakorihonti ; nok otiake tsiniiot ne iontenno8entha nahenterontake Ok-aristiiakon.

AkaSentakon ken niienhre, akiatarane?

Ak8a aka8entakon ne skennen tiiakonnhe. Ason-then naontaiontasa8en niah othenen taonsaieke, iah oni othenon taonsaiehnekihra.

Teiontskahons ken Nokaristia ?

Iahta teiontskahons ; ek skennen tahonhnek8ane.

To naieiere nonen sakotiennire ?

Ak8a aionte8eienton tsini kahaseres ieiatarasere ; aierihokten ieiatarastha.

Nahoten ieherha tsi iehasentak8a nonen icha-senne?

Kanatarok ieherha otsitsia oni.

Tiotkon onte ken kanatarok iken otsitsia oni ?

Iahten. Tsinaha8ennahnoton ne rohasen tsini ho-ieren Iesos sahasa Nokaristia ; ethone natese8attenies ne kanatarok otsitsia oni, Iesos raieronke nok raone-k8ensa 8atons.

Tsi tehaiaks Nokaristia, iah ken tatehoiatiaks Iesos ?

Iahten. Ne ok tehaiaks tsi kanataraieronni.

Kanonk8ati raiatare Iesos nonen teiakokhasion Nokaristia?

Oktatetsiaronkon tehaiatare.

Tokat kenni8aa sakonnhonton, raiatak8ekon ken sakotienni ?

Raiatak8ekon sakotienni, aseken raiatananon O-karistiiakon.

*Tokat tekaiasere ensakonnhonho, tekeni ken ten-
sakotienhase?*

Iahten. Enskat ok ioriSentaon ensakotienhase.

*Thahtenties ken Iesos karonhiake nonen Sahatien
Nokaristiiakon?*

Iah heren tehretha; tenteron karonhiake, renteron
oni Okaristiiakon, aseken iah othenon tehonoronse.

Tekiattihen onte ken Nokaristia ne tekaiasonte?

Ak8a eso tsi tekiattihen; iken ne tekaiasonte, ne
ok 8atenientenstakon tsi ronSaiatanentakton; nok
Nokaristiiakon tokenske on8e renteron.

Toni karihoten naontiesate tsi sakotiennis?

Ne aonhatsi8a iori8atsanit tsinikon ieri8aneralak-
tha non8entsiake.

*To naieiere ne iakolahitakhe ahonSaienterhane ne
RaSenniio?*

Niate Senniserake ahon8anekenniheke nasako-
tenre, karo naiaiheie, tosa non8enton aiontiesate tsi
ensakotieuhase.

To naieiere naienrheke, tosa akatiesate?

Aonsaiakorihonti tsini iakori8annihikonhaties; a-
kon8atek8enniheke ne kari8aksen, nok akon8ehia-
hrontie tsi iakori8iioston.

Toni ioterihonte Nokaristia.

Tekeni teioterihonte, RaSenniioke, tenhnon on-
k8ehne, aseken aonha Nokaristia tetsiakorahnekens
nonk8e nok ne RaSenniio, tehonatekhasionne.

*Oh niot tsi ioterihonte ne RaSenniioke non-
k8ati?*

Ne tsi iatetsiotata8i naonnise katsenensonha ron-

Saiennisk8e ne Ra8enniio ; nok non8a ne ok shon8a-
iennis Iesos raieronke nok raonek8ensa ; nene *Ie-
hasens* kon8aiats.

Oh niio tsi ioterihonte onk8ehne nonh8ati ?

Ne nennee tsi sakotiennis naeiatarane, ratsientani
nakotonnhetston, aiakonikonkatsteke tosa aiakosenni
notkon, tsi iieks ne raieronke nok raonek8ensa ; ne
Ori8atokentiko8a kon8aiats.

*Iakonaktote ken nok tiiakonk8esonha ahon8a-
ienhase ne Ra8enniio Iesos raieronke nok raone-
k8ensa ?*

Ok eken ioteri8ison Niakori8iioston okon, tsi ion-
terennaiens, taiakoiena8akon ne rohasen, nahon8a-
ienhase Iesos raieronke nok raotonnhetston, aien-
rheke, akanoronke tsi katerennaiens.

Ohni karikoten iontathasennis ?

Ne aonhaa Saterennaientakseranoron, aseken iah
onk8e akoterennaientaksera, Iesos Sonk8a8enniio
raoterennaientaksera ; ne ok ia8et raonnhatsera ne
rohasen.



IONTERENNAIENTAK8A.

Teieiasontha.

† Rasennakon Roniha, nok Roienha, nok Rotkon
roiatatokénti. Ethonaia8en.

Iesos roterennaientakserison.

Tak8aienha ne karonhiake tesiteron, aiasasenna-
ien, aiasa8enniio8take, aiasa8ennarak8ake non8en-
tsiake tsiniiot ne karonhiake tiesa8ennarak8a.

TakSanont ne kenSente iakionnhekon niateSen-
niserake ; sasanikonrhen nionkSariSaneren, tsiniiot
nii tsionkSanikonrhens othenon ionkinikonhraksa-
ton nonk8e ; tosa aionkSasenni ne kariSaneren, akSe-
kon erensa8it niotaksense. Ethonaia8en.

Raronhiakeronon rao8enna.

OnSari tekonnoronkSanions ise tsiati ioianerens-
tak8a, Ra8enniiio senik8ekon, sonhaa nakonnhetien
tsini hiakonnienssta ne Niio, Iesos oni hetsienha raon-
haa tsini hon8asennaiens.

OnSari saiatatokenti, Niio hetsienha, takSateren-
naienhas ionkSariSanerahäkskon non8a nok oni tsi
nentiak8enheionsere. Ethonaia8en.

Ratik8ekonne raoti8enna.

Te8akehtak8en Niio Roniha iahothennon tehono-
ronse, roteSeiennonni karonhia on8entsia oni.

Te8akehtak8en Iesos Kristos raonhatsi8a Niio Ro-
ienha Sonk8a8ennio onk8e rotonhon, ne roiatison
Rotkon roiatatokenti ; OnSari rote8eton, iate kana-
k8aienti. Ethone si hoterihontak8e KonksSirat
ron8aiatsk8e, roronhiakenhon ne Iesos, ron8aiata-
nentakton tekaientannhareke, ra8enheion, ron8aiata-
taten, on8entsiakon iehokton, nok asen8atontha ni-
8enniserake shotonnheton. Karonhiake iesha8enon-
ton, ethokati non8a ieshenteron tsi ra8eientehtakon
ne Roniha iahothennon tehonoronse, tentesakoiatore-
tane neniakonnheke nok oni niako8entaon.

Te8akehtakon oni ne Rotkon ak8a roiatatokenti
Sonk8a8enniiio, Kentiohk8aien otiohk8atokenti, on-
8entsiak8ekon saktiohk8at, iken teiontatseronni-

ennis akoiatatokentison, seSaterake8as iakori8aneren, entsiontonnhete niako8entaon, iatekakonte ientsiak-onnheke, Ethonaia8en.

Tsiontateronk8ennitha.

Niio ise Se8enniiio tsi iakionnhe, iah othenon tesa-noronse satontek ; ise oni On8ari saiatatokenti, iate senak8aienti ; Sishe satkon seronhiakehronon, Sa8atis saiatatokenti ; Tier, Kor oni Iesos hetsiseni8en-nen8a8ak8e, se8ak8ekon ne Se8aiatatokenti karon-hiake tise8anakere, ise oni hetseri8a8ase ne sonk8a-8enniiio Iesos, se8ak8ekon tsiatontek, onen 8akeri-8aienterene tsini 8akeri8aneren kennontonniontse-rake, ke8ennake, ke8eiennake oni; ii akeri8a, ii akeri-8a, ii akeri8ako8a. Onen kati On8ari saiatatokenti, iate senak8aienti ; Sishe satkon seronhiakehronon. Sa8atis saiatatokenti, Tier, Kor oni Iesos hetsiseni-8ennen8a8ak8e, se8ak8ekon Se8aiatatokenti karon-hiake tise8anakere, ise oni hetseri8a8ase ne sonk8a-8enniiio Iesos, se8ak8ekon k8ennitentase nask8ateren-naienhase, aonsonterake8e tsi 8akeri8aneren. Eth-onai8en.

Oieri niha8ennake ne Niio.

1. Saiatat ok Niio hetse8enniiostak raonhatsi8a Ra8enniiio tsi sonnhe.
2. Tosa hetsennaiesat Ra8enniiio raosenna.
3. Satsterist ia8entatokenton Niio ra8enniserä.
4. Sekonniienstak iesaienha, aionnise asonnheke.
5. Tosa seiäset nonk8e.
6. Tosa satenak8aiesat.

7. Tosa senensko.
8. Tosa seiennoSenten.
9. Tosa saskaneksek kanak8aiestsera.
10. Tosa saskaneksek akoren akoSenk, aserheke akenensko.

Tsiatak nika8ennake ne Kentiohk8atokenti.

1. Tsiatarak ohaseratokentonke Niio ra8enniserake, nok oni tsi ia8entatokentaserons.
2. Satsterist ia8entatokenton okonha.
3. Aonsaiesaronk8ase arahonne enskat tsiniioseres,
4. Ahiatienhase Iesos arahonne tsinonsahatonnhete.
5. Satsterist iaka8entontietha, kaieri niiok8enraron kon8aiats, entakta ne Sentanoronson, nok oni ne kaieri ni8asontashen karo8a tsi ronsahatonnhete.
6. Tosa se8arak ron8aiatanentaktonne Senniserate.
7. Aontaseri8aierite othenon tentsenon8eronniontake ne Ra8enniiio nensatonnisahase.

Iakori8iiostakon.

Se8enniiio te8akehtakon ak8a ori8iiio tsinikon ionk8arionniennis ne kentiohk8atokenti, aseken ise tisa8enninekenhon niah taonton asenno8ente.

Iakorharekon.

Se8enniiio ak8ah 8akerhare nenskiena8ase tsinakiere ne karonhiake akatsennonni, ne enskitenrate tsini sonk8atsennonniatenni Iesos sonk8a8enniiio, aseken ethonisk8arharatstenni.

Ron8anonSesta Niio.

Se8enniiio sonhatsi8a konnon8es akenikonhrak8ekon, aseken iahtiaiehe8e tsini saianere ; nok ise sari8ake kenon8es ak8ekon nonk8e tsi nii nikatatenon8es.

Tsiontonnhakanonniatha.

Niio ise se8enniiio tsi iakionnhe, onen 8akeri8a-ienterene tsini 8akeri8aneren ; ak8a tokenske iatekattokha, 8akite on8e tsini 8akieren, niia8eta konnak8atenni, kon8ennontion. Onen kati non8a sakatatre8ate, skeri8a8ens tsini 8akerikaneren, iken ise seri8a8ens ne ieri8aneraks. Ne ki skatatre8atak8a tsini konnon8es, sonhaa tsini satanitenraskon, sonhaa aiesanon8ehake naionttokhake nonk8e. Onen ki non8a se8akatonnhakanonni, ak8a te8akenikonhrasahaton, ikehre iah non8enton taonsakeri8anerake, iah non8enton etho taonsakiere tsinen8e enkonnhake. Takitenr Iesos, sasanikonrhen tsini 8akieren ; 8ari saiatatokenti, takitenr tak8aterennaienha, ahakitenre Iesos hetsienha, karonhiake aha-kiatinionte tsinenkatonnhokten. Etho naia8en.

Teiontskahonne.

Se8enniiio, Sakon8enniioste ne tekatskahonne ; rasennakon Roniha, nok Roienha, nok Rotkon roiatatokenti. Etho naia8en.

Tsi naek8entane.

Nia8en, Se8enniiio, 8asetsienten ne kieronke, ase-tsienten oni nak8atonnhetston ; rasennakon Roniha, nok Roienha nok Rotkon roiatatokenti. Etho naia8en.



KONTIRISAKSENIHOSON

IAKORISHOSTAKON.

—

1. Ranakere onSe, *Niio*, iah othenon tetiotokte tsi-ni haiatoten ; roronhison, raonSentsion, nok raonha-tsiSa RaSenniio oriSakSekon.

2. Tsi sonkSaiatison raSeron : Aionkienterihake, aionkenonSehake nok aionkeSennarakSake nonSen-tsiake, etho naontaSe taiontentsa ne karonhiake.

3. Kaieri niakoriSaien nonkSe ne kanoron : 1° tsi eniaiheie ; tenkiatekhasi nieronke nakotonnhetston, tsiniore entsiontonnhete. 2° Tsi tensakoiatorete ne RaSenniio, ienSatkontakSe onSe tsi ok nenhariSisa. 3° Tsi teniontonnhakariaseke iatekakonte nonSentsia-kon niakonkSetaksens. 4° Tsi eniontsennonni onSe karonhiake ne tiakoriSaieris.

4. *Asenseratokenti* konSaiats, tsi enskat ok rana-kere ne Niio, asen natehaiasere, Roniha, Roienha, nok Rotkon roiatatokenti. Asen sane nihati ; nok sa-tehonnas, aseken sahaiatat Niio nasen nihati.

5. Niio Roienha onkSe rotatonni ; tehotatekSenni oieronta nok natonnhetston tsiniot nonkSe ; raSe-ron : Aiontsennonni nonkSe tsi etho nihoieren. *Iesos Kristus* ronSaiats. Rotkon roiatatokenti roiataten NonSari kaiatakon ; roienha kati iotonhon NonSari ioiatatokenti tsi aonha roteSeton.

6. Niio Roienha Iesos Kristos rotateSanteton te-
kaiasantne nasonkSariSahtonten ne kariSaneren, nok
naonsasonkSaskontako noneshon.

7. OriSiio ionkSaterientare Niio nihaiatoten ne Ie-
sos Kristos, nok tsi karonhiake nitiaSenon ne raori-
SiioStontsera ; aseken sotsi ioriSanerakSatenions tsini
hotieranion ; ak8ekon roieriton tsini hotiieren ne roti-
tokensehak8e ; roiatatokentiko8a nihaiatottenne ; on-
Sentsiak8ekon tesakosSatetenni ne raoianerensera.
tokenti ; tesakoreniaton nonSentsiake Sitaheronon ne
ronSario, sekon non8a nihatinakere.

8. *KentiohkSatokenti* konSaiats akotiokSak8ekon.
IakoriSiioSton onSentsiak8ekon teiakorenihon, ron-
SatikoSanens RatiriSaSakonson, sakorihonte NariSa-
Sakonko8a ; nok ne ratiriSa8akon ne iesesakotirihonte,
ne ratitsihenstatsi okon.

9. AriSa8akonko8a ratik8ekon ne RatiriSa8akon-
son ratiatakSeniios kariSiioStonke ; ne konSaiats
KentiohkSatokenti ionkSariionniennis ; Iesos sako-
nhaon tsi ionkitokatennis ne rorihotasionkSen kari-
Sanoronson. SakoSenniioston oni tsi ok nahoten aion-
kiiatenientenseheke nonSentsiake, ne iah karonhiake
taiontsennonni niatenieriSaierithe.

10. Iate ieiatare Iesos rotiohk8ison, iateiakohaha-
ien karonhiake aiontsennonni. Kaieri niiori8ake kon-
Saienterestha nonSentsiake : 1^o Sakentiohk8at non-
Sentsiak8ekon, sakariSat iakoriSiioStakon, sate iako-
8enk tsini hoson Iesos noriSatokentiko8a, tehon8ati-
Sennakanere RatiriSa8akonson, ne nenneh iateshon-
Sakanere NariSa8akonko8a. 2^o Aonhaa iotiohk8a-

tokenti koSa aseken roiatatokentikoSa ne rotiohk8ison, o8ennatokentikoSa ne rao8enna, ori8atokentikoSa ne rori8isahannhon, iah oni kaneka nakte te kaien nakoiatatokenti, nok eso ne iori8anerak8atenions rori8anirhatston lesos teieiasontha nakarikiiostontseroten. 3^o Aonhatsi8a on8entsiak8ekon teiorenihon, nok tsinen8e enion8entsiateke iah non8enton tiiaonhton, aseken ehni8ori8ison ne rotiohk8ison. 4^o Ratik8ekonne nitia8enon. aseken rononha tehotiri8areniaton non8entsiak8ekon, nok raotinaktake ratiteron ne non8a teshatiri8areniatha, nok tsinen8e ethoneniohton.

11. Iontatseronniennis nakoiatatokentison kon8aiats, tsi sate iako8enk iontsennonniatha kari8iios-tonke, ne sekon jakonnke non8entsiake, nok nakoiatatokenti karonhiake tieteron, nok niakotiaktani tsi tetieseronniatha, naiekarokten Ra8enniioke. Etho nite8es tsi ietiiennitentase Ioiatatokenti Sari, Eronhia-kehronon, nok Nakoiatatokentison. Etho oni nite8es ietiiatakennkas tsi tetieseronniatha tetsieri8aserak8as, tsi ietiiaterennaiennis, nok tsi ietiiennis ne ionk8ari8aieritonhatie kari8iiose okonha non8entsiake.

12. Oieri niha8ennake ne Niio. Ne kontiri8ak8ennios sakoteniennentse nonk8e : 1. Ahon8asennaientak8ake, naontaiaka8ehtakon, nok tsi aiakorhareke naiontsennonni, nok tsi ahon8anoronk8ake raonha, onk8e oni aiontatenoronk8ake, nok tsi aienoronk8ake ne kari8iio8ton. 2. Tosa ahon8asennaiesate. 3. Tosa aiontenniseratiesate ne ra8ennisera. 4. Aiontate8ennarak8ake nontatienha, iontatko8anens oni. 5. Tosa aiontats8en, tosa aiontateriio, tosa aiontatkenrense-

ronni, tosa aiontateri8anerahakten. 6. Tosa aiakori8aientake kanak8aiesatsera. 7. Tosa aienensko, tosa oni aiontatkaronni nonk8e. 8. Tosa aionno8ente. 9. Tosa aionskanekseke akoren ako8enk. 10. Tosa oni aionnontonnion ne kanak8aiesatsera.

13. Tsiatak niionk8atenientense ne Kentiohk8atokenti: 1. Aiakenniseranoronk8ake ne ia8entarorons-tanion; 2. aieiatarake tsi iakohasen Niiohne nok oni tsi ia8entatokentaserons; 3. aonsaiontateronk8enni-heke tsioseratson; 4. aieiatarane tsinonsahatonnhete; 5. aiaka8entontiete ne kaieri ni8asontashen tsi shaton-nhete, kaieri riio8enhraron nok nentakta ne 8enta-noronson; 6. aionte8aratka8e ron8aiatanentaktonne 8enniserate; 7. aiakoti nononsatokentike nonen iakoienthok8en.

14. Kari8aneren kon8aiats tsi ron8a8ennonties ne Ra8enniio nok tsi kon8a8ennonties na Kentiohk8atokenti. Kari8anerahakserakaion kon8aiats ne raori8anerahasera totierenton nonk8e Atan, sonk8ari8anerahakserarhon, ak8ekon ionk8aiatoronhatie nonk8e Sete8aton. Kari8anerahakserase kon8aiats ne ii tite8ennontons, nonen te8attokha, hetsite8a8ennonties ne Ra8enniio; otiake iori8atsanit, nok otiake kenniio-ri8aa tsi ieri8aneraks.

15. Tsiatak Nikontiri8anerahakserak8enniios, ne iohna8eroton ne kari8anerahaksera okon. Kanaiese-ra, kanionsera, kanosaser, kanak8aiesatsera, atetsen-sera, kanak8enser, nok iakentorha.

16. Iah othenon taete8ak8eni naontete8ari8aierite karonhiake aori8ake, niahtasonk8aiena8asera ne

Ra8enniiio. Tiotkon kati sakoiena8ase ne ionteren-
naiens, nok ieri8anoronk8a tsi ron8a8ennahnotons,
nok ieri8aierits Nori8atokentiko8a, nene sonk8ate-
niententsera8i Iesos naionk8aiatatokentiste. Ak8e-
kon enskatson iotik8eniatseraien naionkiiatsennon-
niaten.

17. Iontatenek8ahestha skarake8atha kari8anera-
hakserakaion nok Ra8enniiio sakoiенокonha, Ken-
tiohk8atokenti oni akoiенокonha ionk8aiatotenstha.
Iontatkentsiokhas ionk8a8is ne Rotkon roiatoken-
ti, ak8ekon oni tsini hoiens nasakotenre nonk8e. O-
karistia kaha8e Iesos raieronke, raonék8ensa, rao-
tonnhetston nok raoniosera, tsi kaieronni kanata-
rokkenha otsitsiakenha oni; ionk8aiatanentaktha tsi
renteron Iesos naetionnhekon tsi ronnhe. Se8atate-
ronk8enni skarake8as ne iakori8aneren tsinahe tia-
kotenek8aheston. Iontatiatokhas niakonon8aktani
ionk8aiena8ase Ra8enniiioke aete8enheie. Iontateri-
hontak8a ne ratihasens iakok8eniatsera8is iakoiena-
8ase oni ne Ra8enniiio raori8a aiakoterihontake. Te-
8ateranekenseratòkenti Ra8enniiioke teiakorahne-
kens ratsin nok tsiathon8isen, nok iakoiena8ase
skennen taiakonnheke non8entsiake, kari8iiostonke
oni aiontatehiaron nontatienokonha.

18. Naieri8aierite Se8atateronk8enni, Sisk niiori-
8ake tsi naieiere: 1. aieri8aienterihake Niio raoiane-
rensera; 2. otokenhon aiontennikonhrisake tsini ia-
kori8aneren; 3. akonihonhrakon aonsaieri8as8enseke
tsinikon iakori8aien niotaksen; 4. ori8ak8ekon ahon-
sarihoktase Ra8enniiio ro8ennenha8e tsinikon iake-

hiare ; 5. aiakoterientason naierikaierite nahoten ensakotenientense aienrheke, iahtaonsakeri8anerake.

19. Tsi tsiontateronk8ennis, ne ok ense8aterake8e nakori8anerahaksera 1. akonikonhrakon tsiontats8ens, 2. Ra8ennii roori8a tsi tsiontatre8atha, 3. ori8ak8ekon tsieri8as8ens, 4. iakoterientason ne aierako nak8ekon aionte8entete, ak8ekon oni aiontkaronni, ka8ennii ki tosa enskat oni aieri8anerake ne iori8atsanit. Iah etho teiakonikhroten, oktiieiakonosen-ton.

20. Aienrheke akeri8aierite tsi eniakoniake, 1. ahonSari8aienhase niare ne sesakoronk8enni ; 2. ne senha taiekanerake naiakori8iioston ; 3. tosa akarake ne teiotierounion neniakoniake ; 4. tosa aiakoiatoron ne ne iori8atsanit ; 5. ne asakoterennaienhase Ra8ennii ro8ennenha8e sakorionniennis.

21. TeSateri8aserak8atha Kon8aiats, Iesos raoronaiakensera okon, nok oni nakoiatatokentison akoronhiakensera, ne kati sakoiakkonnis nari8a8akonko8a, nonen tsioterake8en nakori8anerahaksera, takiatieste tsini iakotateronhiakenton non8entsiake, naiakoiena8ase tsi tetsieri8aserak8as.



IONTATKENTSIOKHASTHA.

Toni karihoten iontatkentsiokhas?

Iontatkentsiokhas kon8aiats, ori8atokentiko8a tsi sakotiennis ne Rotkon roiatatokenti, nasakonikon-hrahnirate ne tosa aiakosenni notkonseraksen non-Sentsiake.

Onka ne Rotkon roiatatokenti?

Ne nashen ratontha nashen natehaiasere ne Niio.

Ra8enniio ken ne Rotkon roiatatokenti?

Ak8a ne sahaiatat Ra8enniio ne Roniha nok Ro-ienha nok Rotkon roiatatokenti.

Oh nikarihoten tsi sakotiennis ne R. r.?

Sako8is onikonhratokenti, etho ia8et naiakoni-konhrotenhake tsini honikonhrotenne Iesos on8entsia-ke siresk8e.

Ak8ekon ken sako8is netho naiakonikonhrotenhake?

Iahten: tsi ok niakon nak8a iakotennikonhrase-ronni.

Ak8a katiken iotsennonniat naontatkentiohha8e?

Ak8a, aseken ne skak8atak8as naiakotiesaton tsi iakotenek8aheston.

Senha katiken ieiatanorons kariSiiostonke nonen iakotkentsiokha ?

Senha ; aseken tsi sakaSenhienarhon Ari8a8akon 8enhienatokenti, iiore on8e neiatake tsi sakoiatara-k8en ne Ra8enniio, tsiniiot nakoskenrakehte, asteson aiakoteriiohake notkonseraksen.

KariSaksen katiken niahteionsteristha nasakoken-tsiokha8e ?

Ak8a kariSaksen, aseken tsiniiot niahtiiekaieri tsi iakoriSiioston narekho teiakotkentsiokha ; raonha Ari8a8akon ensakoieritse tsi iakoriSiioston nensakokentsiokha8e.

Tonaieiere naieri8aierite tsi iakotkentsiokha ?

Ak8a akonikonhrak8ekon aiakoterientasonhonha-ke, aienrheke : tsinen8e enkonheke enkiatakénhha-seke ne kariSiioston ke8ennake ke8eiennake oni.

~~~~~  
**NIAHTE SENNISERAKE IONTERENNA-  
 IENTAK8A NE TOSA AIEHNEKAKASTE.**

Iesos iesanekanonten otsate iotsitsiatken tekaieston, taSentenr.

Sari saiatatokenti, iah othenon tesaiatoronhon sa-saiatata, tak8aterennaienhas ne k8aniakesen.

Sari saiatatokenti, iontek8asentak8a tsi tesiteron niakoriSanerahakskon, tak8aterennaienhas.

## TSI TEIONNONSATASES.

Skaiatonseratson, enskat *Tak8aienha* enskat *8ari tekonnoronk8anion* ; enskat *ahon8asennaien*, &c. nok *asetenre se8enniio tsi tetieseronniatha tieteron* ; nok tsi iehasentak8a, are enskat *Tak8aienha* nok enskat *8ari tekonnoronk8anion*.

---

Ne tekanerenston naiontsennonni karonhiake, na-  
iakori8ahniratonhatie tiotkon tsini iakoieren saontate-  
nek8aheste, tsi iaka8en : “ 8akiatonti noneshonhro-  
“ non ; onkerihonti noneshonhronon aori8a okon.  
“ Tokenske se8enniio, iah non8a taionke8ennakara-  
“ tate ; ak8a non8a ii 8akiatonti noneshonhronon ;  
“ onkerihonti naori8aokon ; onkerihonti kanaiesera,  
“ kanak8aiesatsera ; onkerihonti iakonon8arahtontha,  
“ iakonon8aroriatha ; onkerihonti kanak8ensera, ata-  
“ ts8enhon ; sonhaa, se8enniio, 8akonkenniioste tsi  
“ konnhe nok tsi enkiheie ; ethonaia8en.”